



ევროკავშირი
საქართველოსთვის
Project funded by the European Union

EU4Environment
Green Economy in Eastern Partner Countries



სამუშაო შეხვედრა

მდგრადი საჯარო შესყიდვები და საჯარო შესყიდვების რეგულირების
რეფორმა საქართველოში

დღის წესრიგი

10 ნოემბერი, 13:00-18:00 სთ

ქ. თელავი
(ადგილი tbc)

Action implemented by:



THE WORLD BANK
IBRD • IDA | WORLD BANK GROUP



გარემოსდაცვითი
ინფორმაციისა და განათლების
ცენტრი

ზოგადი ინფორმაცია

2014 წელს საქართველომ ხელი მოაწერა ევროკავშირთან ასოცირების შესახებ შეთანხმებას. ასოცირების შესახებ შეთანხმების ერთ-ერთი მუხლი ეხება მდგრადი საჯარო შესყიდვების პრინციპების დანერგვის აუცილებლობას. მდგრადი საჯარო შესყიდვები არის პროცესი, რომლის დროსაც საჯარო უწყებები ცდილობენ მდგრადი განვითარების სამ საყრდენს - ეკონომიკურ, სოციალურ და გარემოსდაცვით ასპექტებს შორის სათანადო ბალანსის მიღწევას, საქონლის, მომსახურებისა და სამუშაოს შესყიდვის ყველა ეტაპზე. რამდენადაც, მდგრადი საჯარო შესყიდვების კონცეფცია არის სრულიად ახალი, ინოვაციური მიდგომა საქართველოს კანონმდებლობისა და პრაქტიკისათვის, საჯარო უწყებების მიერ მდგრადი საჯარო შესყიდვების განსახორციელებლად საჭირო იყო მდგრადი საჯარო შესყიდვების მიდგომების შემოღება, მათ შორის, შესაბამისი პოლიტიკის გეგმის შემუშავებითა და შესაძლებლობების განვითარების მიმართულებით.

გაეროს გარემოსდაცვითი პროგრამა არის ხუთი პარტნიორი სააგენტოდან ერთ-ერთი, რომელიც ახორციელებს ახლად დაწყებული, ევროკავშირის მიერ დაფინანსებული EU4Environment პროგრამის აქტივობებს. ეს რეგიონული პროგრამა მხარს უჭერს 6 ქვეყანას, მათ შორის საქართველოს, პოლიტიკის დაგეგმვისა და ინვესტიციების გამწვანებაში, ინოვაციური პროდუქტებისა და ტექნოლოგიების ათვისების სტიმულირებასა და გარემოსდაცვითი საქმიანობის სარგებლიანობის შესახებ ცნობიერების ამაღლებაში. კერძოდ, EU4Environment-ის კომპონენტის — „ცირკულარული ეკონომიკა და ზრდის ახალი შესაძლებლობების“ ფარგლებში, გაეროს გარემოსდაცვითი პროგრამა მხარს უჭერს საქართველოს მდგრადი საჯარო შესყიდვების საკითხებისა და დამატებით ინსტრუმენტებთან დაკავშირებული საქმიანობის პოპულარიზაციაში.

გაეროს გარემოსდაცვითი პროგრამა გარემოსდაცვითი ინფორმაციისა და განათლების ცენტრთან და სახელმწიფო შესყიდვების სააგენტოსთან აქტიური თანამშრომლობით ახორციელებს მდგრადი საჯარო შესყიდვების დანერგვისთვის შესაბამის პოპულარიზაციის ღონისძიებებს, მათ შორის, კანონმდებლობის დახვეწის, მდგრადი საჯარო შესყიდვების შესახებ დებულებების შემუშავების/მიღების და მდგრადი საჯარო შესყიდვების შესახებ ცნობიერების ამაღლების მიზნით. საქართველოში EU4Environment პროექტის განხორციელების შესახებ გაეროს გარემოსდაცვით პროგრამასა და გარემოსდაცვითი ინფორმაციისა და განათლების ცენტრის ხელშეკრულების 2.10 აქტივობა ითვალისწინებს სამუშაო შეხვედრების ჩატარებას ადგილობრივი მუნიციპალიტეტების წარმომადგენელთათვის, მდგრადი საჯარო შესყიდვების შესახებ ცნობიერების ასამაღლებად. სამუშაო შეხვედრის მიზანია მდგრადი საჯარო შესყიდვების კონცეფციის, მისი სარგებლის, აგრეთვე, მდგრად საჯარო შესყიდვებთან დაკავშირებული სამართლებრივი დებულებების პროექტისა გაცნობა. ამასთან, საჯარო შესყიდვების მიმდინარე რეფორმის თაობაზე ცნობიერების ასამაღლებლად, სამუშაო შეხვედრა მიზნად ისახავს ახალი „საჯარო შესყიდვების შესახებ“ საქართველოს კანონის პროექტით მოცემული ძირითადი სიახლეების გაცნობასაც.

სამუშაო შეხვედრის მიზნები და მოსალოდნელი შედეგები

- მდგრადი საჯარო შესყიდვების კონცეფციისა და მისი სარგებლის წარდგენა და განხილვა;
- ახალ „საჯარო შესყიდვების შესახებ“ საქართველოს კანონის პროექტში მოცემული, მდგრად საჯარო შესყიდვებთან დაკავშირებული სამართლებრივი დებულებებისა და მდგრადი საჯარო შესყიდვების შესახებ კანონქვემდებარე ნორმატიული აქტის პროექტის განხილვა;
- მდგრადი საჯარო შესყიდვების შემდგომი იმპლემენტაციისათვის შემუშავებული, შესაბამის სახელმძღვანელოებში მოცემული მიდგომების განხილვა, მდგრადი საჯარო შესყიდვებისათვის განკუთვნილი შესყიდვის ობიექტებისთვის (საქონლისთვის);
- საქართველოს მდგრადი საჯარო შესყიდვების კრიტერიუმების წარდგენა და განხილვა;
- საჯარო შესყიდვების მიმდინარე რეფორმის საკითხების განხილვა;
- ახალი „საჯარო შესყიდვების შესახებ“ საქართველოს კანონის პროექტით შემოთავაზებული სიახლეების ძირითადი არსის გაცნობა.

მონაწილეები

სამუშაო შეხვედრას დაესწრებიან გარემოსდაცვითი ინფორმაციისა და განათლების ცენტრისა და სახელმწიფო შესყიდვების სააგენტოს წარმომადგენლები, კახეთის მხარეში სახელმწიფო რწმუნებულის აპარატის წარმომადგენლები, კახეთის მხარეში ადგილობრივი თვითმმართველობის ორგანოების წარმომადგენლები, შესყიდვების სპეციალისტები, ასევე, მდგრადი საჯარო შესყიდვებით დაინტერესებული სხვა პირები.

პრაქტიკული ინფორმაცია

სამუშაო შეხვედრა ჩატარდება დასწრებით რეჟიმში, ქ. თელავში (მისამართი წარდგენილ კანდიდატებს ეცნობებათ მოგვიანებით). სამუშაო შეხვედრა გაიმართება ქართულ ენაზე.

EU4Environment-ის შესახებ

„ევროკავშირი გარემოსთვის“ (EU4Environment - მწვანე ეკონომიკა) ეხმარება აღმოსავლეთ პარტნიორობის ქვეყნებს, დაიცვან თავიანთი ბუნებრივი კაპიტალი და გაზარდონ მოსახლეობის გარემოსდაცვითი კეთილდღეობა, გარემოს დაცვასთან დაკავშირებული მოქმედებების მხარდაჭერით, მწვანე ზრდის დემონსტრირებითა და შესაძლებლობების განვითარებით, გარემოსდაცვითი რისკებისა და ზემოქმედების მართვის მექანიზმების დანერგვით.

პროექტი დაფინანსებულია ევროკავშირის მიერ და ხორციელდება ხუთი პარტნიორი ორგანიზაციის — OECD, UNECE, UNEP, UNIDO და მსოფლიო ბანკის მიერ, დაახლოებით 20 მილიონი ევროს ბიუჯეტის ფარგლებში, 2019-2024 წლებში.

დამატებითი ინფორმაციისათვის გთხოვთ მიმართოთ: EU4Environment@oecd.org.

დამატებითი ინფორმაციისათვის გთხოვთ ეწვიოთ ჩვენს ვებგვერდს: www.eu4environment.org.

დღის წესრიგი

დრო	საკითხი
13:30-14:00	რეგისტრაცია/მისასალმებელი ყავა
14:00-14:10	გახსნითი სიტყვა • თამარ ალადაშვილი, საქართველოს გარემოს დაცვისა და სოფლის მეურნეობის სამინისტროს გარემოსდაცვითი ინფორმაციისა და განათლების ცენტრის დირექტორი • კახა დემეტრაშვილი, სახელმწიფო შესყიდვების სააგენტოს თავმჯდომარის მოადგილე (tbc) • გიორგი ალადაშვილი, სახელმწიფო რწმუნებული კახეთის მხარეში (tbc) მოდერატორი: ნატო ბერიძე, ეროვნული სამართლის ექსპერტი, EU4Environment პროექტის ჯგუფი
14:10-14:30	რა არის მდგრადი საჯარო შესყიდვები? მდგრადი საჯარო შესყიდვებისა და მდგრადი განვითარების მიზნების კავშირი • ნატო ბერიძე, ეროვნული სამართლის ექსპერტი, EU4Environment პროექტის ჯგუფი
14:30-15:00	„საჯარო შესყიდვების შესახებ“ საქართველოს კანონის პროექტით გათვალისწინებული სიახლეების ძირითადი არსი და გამოწვევები • გიორგი ლაცაბიძე, სახელმწიფო შესყიდვების სააგენტოს იურიდიული დეპარტამენტის უფროსი (tbc)
15:00-15:30	„საჯარო შესყიდვების შესახებ“ საქართველოს კანონის პროექტით განსაზღვრული საჯარო შესყიდვის ახალი პროცედურები და ინსტრუმენტები • თამუნა კაკაშვილი, სახელმწიფო შესყიდვების სააგენტოს იურიდიული დეპარტამენტის სამართალშემოქმედებითი და საკონსულტაციო საქმიანობის სამმართველოს უფროსი (tbc)
15:30-16:10	ლანჩი

16:10-16:40	საქართველოს მდგრადი საჯარო შესყიდვების კრიტერიუმები, პოლიტიკის პრიორიტეტები და იმპლემენტაციის ინსტრუმენტები ნატო ბერიძე, ეროვნული სამართლის ექსპერტი, EU4Environment პროექტის ჯგუფი
16:40-17:10	კითხვა პასუხის სესია და ერთობლივი დისკუსია მოდერატორი: ნატო ბერიძე, ეროვნული სამართლის ექსპერტი, EU4Environment პროექტის ჯგუფი
17:10-17:20	სამუშაო შეხვედრის დახურვა - თამარ ალადაშვილი, საქართველოს გარემოს დაცვისა და სოფლის მეურნეობის სამინისტროს გარემოსდაცვითი ინფორმაციისა და განათლების ცენტრის დირექტორი - კახა დემეტრაშვილი, სახელმწიფო შესყიდვების სააგენტოს თავმჯდომარის მოადგილე (tbc) - გიორგი ალადაშვილი, სახელმწიფო რწმუნებული კახეთის მხარეში (tbc)
17:20-18:00	ვახშამი